



O‘ZBEKISTON RESPUBLIKASI
MAKTABGACHA VA MAKTAB TA’LIMI VAZIRINING
BUYRUG‘I

Maktabgacha va umumiy o‘rta ta’lim tashkilotlarida ma’naviy-ma’rifiy ishlar samaradorligini oshirish to‘g‘risida

Maktabgacha va umumiy o‘rta ta’lim tashkilotlarida tarbiyalanuvchilar hamda o‘quvchi yoshlarni milliy qadriyatlarga sadoqat va vatanparvarlik ruhida tarbiyalash, ma’naviy-ma’rifiy ishlar samaradorligini yanada oshirish, psixologlar ish faoliyatini tizimli tashkil etish maqsadida **buyuraman:**

1. Quyidagilar:

Maktabgacha ta’lim tashkilotlarida 2025-2026-o‘quv yilida o‘tkaziladigan ma’naviy-ma’rifiy tadbirlarning namunaviy ish rejasi 1-ilovaga muvofiq;

Umumiy o‘rta ta’lim tashkilotlarida 2025-2026-o‘quv yilida o‘tkaziladigan ma’naviy-ma’rifiy tadbirlarning namunaviy ish rejasi 2-ilovaga muvofiq;

Umumiy o‘rta ta’lim tashkilotlari psixologining 2025-2026-o‘quv yiliga mo‘ljallangan namunaviy ish rejasi 3-ilovaga muvofiq;

Umumiy o‘rta ta’lim tashkilotlari uchun “Kelajak soati” darslarining namunaviy mavzular ro‘yxati 4-ilovaga muvofiq tasdiqlansin.

2. Belgilansinki, umumiy o‘rta ta’lim tashkilotlarida har haftaning juma kuni o‘tkazib kelinayotgan “Sinf soatlari” 2025-2026 o‘quv yili davomida har haftaning dushanba kuni birinchi soatida “Kelajak soati” darslari sifatida o‘qitiladi.

3. Umumiy o‘rta ta’lim tashkilotlarida o‘quvchilarning davomatini yuritish, ta’limga to‘liq jalb etish hamda huquqbuzarliklarning oldini olishga qaratilgan ishlar Maktabgacha va maktab ta’limi vazirligi, Ichki ishlar vazirligi, Mudofaa vazirligi va O‘zbekiston mahallalari uyushmasining 2025-yil 7-maydagi 25 q/q, 28 q/q, 1 q/q va 08-06/17-son “O‘quvchilar davomatini yuritish, ta’limga jalb qilish ishlarini nazorat qilish va umumiy o‘rta ta’lim maktablarini huquqbuzarliklar holatidan kelib chiqib toifalash to‘g‘risida”gi qaroriga asosan amalga oshirilsin.

4. Ta’lim tashkilotlarida tarbiyaviy ishlarni va chaqiruvga qadar boshlang‘ich tayyorgarlikni muvofiqlashtirish boshqarmasi (A.Kamalov) maktabgacha va umumiy o‘rta ta’lim tashkilotlarida ma’naviy-ma’rifiy tadbirlarva “Kelajak soati” darslarini mazkur buyruq bilan tasdiqlangan namunaviy ish rejalar va namunaviy mavzular asosida samarali tashkil etilishini nazoratga olsin.

5. Qoraqalpog‘iston Respublikasi Maktabgacha va maktab ta’limi vaziri, viloyatlar va Toshkent shahar maktabgacha va maktab ta’limi boshqarmalari, tuman (shahar) maktabgacha va maktab ta’limi bo‘limlari boshliqlariga:

uch kun muddatda mazkur buyruqning mazmun-mohiyatini keng pedagogik jamoaga yetkazish, maktabgacha va umumiy o‘rta ta’lim tashkilotlarida ma’naviy-ma’rifiy tadbirlar samaradorligini yanada oshirish va tizimli tashkil etishda talablarga qat’iy amal qilinishini ta’minlash;

maktabgacha va umumiy o‘rta ta’lim tashkilotlarida ma’naviy-ma’rifiy ishlar samaradorligini yanada oshirish bo‘yicha tashkiliy choralar ko‘rish;

mazkur buyruqda belgilangan vazifalar ijrosini sifatli amalga oshirish hamda belgilangan muddatlarda bajarilgan ishlar yuzasidan har chorakning yakuniga qadar vazirlikka ma’lumot kiritib borish vazifalari yuklatilsin.

6. Belgilansinki, mazkur buyruqda belgilangan vazifalar ijrosini ta’minlashda Maktabgacha va maktab ta’limi vazirligi tizimidagi barcha tashkilotlarning birinchi rahbarlari shaxsan mas’ul hisoblanadi.

7. Axborot xizmati (D.Sobirova) ushbu buyruqning mazmuni va unda belgilangan vazifalarning ijrosi bo‘yicha amalga oshirilayotgan ishlarni ommaviy axborot vositalari va vazirlikning rasmiy veb-sayti hamda ijtimoiy tarmoqlardagi sahifalarida yoritilishini ta’minlasin.

8. Protokol bo‘limi (F.Keldibekov) ushbu buyruqni bir kun muddatda Qoraqalpog‘iston Respublikasi Maktabgacha va maktab ta’limi vazirligi, viloyatlar va Toshkent shahar maktabgacha va maktab ta’limi boshqarmalariga yetkazilishini ta’minlasin.

9. O‘zbekiston Respublikasi Maktabgacha va maktab ta’limi vazirining ayrim buyruqlariga 5-ilovaga muvofiq o‘zgartirishlar kiritilsin.

10. Mazkur buyruqning ijrosini nazorat qilish vazir o‘rinbosari F.Boqiyev zimmasiga yuklatilsin.

Vazir



E.Karimova

Toshkent sh.,
2025-yil “25” - avgust,
308-son

O'zbekiston Respublikasi Maktabgacha
va maktab ta'limi vazirining
2025-yil " 25 " -avgustdagi
308-son buyrug'iga
5-ILOVA

**O'zbekiston Respublikasi Maktabgacha va maktab ta'limi vazirining ayrim
buyruqlariga kiritilayotgan o'zgartirishlar**

1. O'zbekiston Respublikasi Maktabgacha va maktab ta'limi vazirining 2024-yil 23-avgustdagi "Maktabgacha va umumiy o'rta ta'lim tashkilotlarida ma'naviy-ma'rifiy ishlar samaradorligini yanada oshirish to'g'risida"gi 273-son buyrug'da:

- a) 1-bandning oltinchi va yettinchi xatboshilari chiqarib tashlansin;
- b) 6 va 7-ilovalar o'z kuchini yo'qotgan deb hisoblansin.

2. O'zbekiston Respublikasi Maktabgacha va maktab ta'limi vazirining "Umumiy o'rta ta'lim muassasasi direktorining ma'naviy-ma'rifiy ishlar bo'yicha o'rinbosari va sinf rahbarlarining lavozim yo'riqnomasini tasdiqlash to'g'risida" 2023-yil 27-iyundagi 190-son buyrug'ida:

- a) 2-band o'z kuchini yo'qotgan deb hisoblansin;
- b) 2-ilovanining 3-bandi ikkinchi xatboshisi quyidagi tahrirda bayon etilsin:
"oliy pedagogik ma'lumotga ega bo'lgan".